

(Յ. Տէր-Միրաքեանի)

222. Ճապոնիս կամ ծագող արեգակի երկիրը Շրայ-դէրի: Գ.-ի հանրամատչելի գրադարան Հ. Առաքելեանցի, Թֆլս. 1904, փոքրադիր 116 եր., մի պատկերով, գինը 25 կ.

Մեծ հետաքրքրութեամբ կարդացուած է, համարեա բոլոր նիւթերը նորութիւններ են:

223. «Մահմեդ»: Կազմեց Ե. Թ. հրատ. Յովհ. Արամեանցի. Ալքանդրալ. 1901 թ. միջակ. 35 եր. գինը 7 կոպ.

Մահմեդի կեանքը հետաքրքրութեամբ կը կարդացուի մանաւանդ հիմայ, երբ մենք նորից անմիջական ընդհարում ունեցանք մահմեդականների հետ:

224. «Մանսեղի կեանքը» Վաշինգտոն Իրվինգի: Անգլի-երէնից թրգմ. Փ. Վարդանեանց: Թֆլս. 1894. միջակ 364 եր. գինը...

Շատ հետաքրքրական ու մանրամասն նկարագրութիւն է Մանսեղի կեանքի ու գործունէութեան:

225. «Լ'Են Են» Բ. Պէնկոֆի: Թրգմ. ռուս., հրատ. տիկ. Զարէլ, ՍՔԳ. 1904, փոքրադիր 72 եր. գինը 10 կոպ.

«Մեր էթանագին գրադարանի» №4.

Ռուս գիւղացիների կեանքից է: Քաղուորները կալուածատիրոջ ընդդիմանում, գործադուլ են անում, օրավարձերն են աւելացնել են տալիս: Տէրտէրի բանուորն ու բանուորուհին էլ հետևում են նրանց օրինակին: Բելլիտրիստական տեսակէտով միջակ գրուածք է:

226. Մանկան մօտ և վերջին խօսք Մ. Միրասօի №7 «Մեր էթանագին գրադարանի» Պորգ, 1905. հրատ. տ. Զարէլի. փոքրադիր 108 եր., գինը 6 կոպ.

«Մանկան մօտ» գրուածքը մի բանուորի կեանքից է, որ բարկութեան ժամանակ սպանել էր իր հօրը: Տաժանակիր աշ-

խառանքի վայրում, մի խտալական կղզիի վրայ՝ այս անբաղդ երիտասարդը սիրով կապւում է բանտի վերակացուի փոքրիկ, հիւանդոտ մանկան հետ, որի մահը տեսնելով այլ ևս ապրիլ չի կարողանում, փախչում է ծովը նետուելու, բայց գիշերը անցնում է՝ Սրտառուէլ է։

«Վերջին խօսքը»։ Կլոդը գողութիւն է արել իր անբաղդ ընտանիքը առանց հացի չթողնելու համար և 5 տարուայ տաժանակիր աշխատանքների է դատապարտուել։ Նա բանտի արհեստանոցի բանուորների շրջանում մեծ հեղինակութիւն է ձեռք բերում։ Որովհետև Կլոդին տանջում էր բազմը (նա իր բաժնից բաւարարութիւն չէր ստանում), բանուորներից մէկը միշտ տալիս էր նրան, իր բաժնի կէսը։ Բանտի կառավարիչը, որ նախանձու էր նրան հեղինակութիւն ունենալուն պատճառով, զրկում է Կլոդին այս բանից և այդ պատանու ներկայութիւնից։ Կլոդը շատ ընդդիմանում է, խնդրում է կառավարչին վերցնել այս անսիրտ կարգադրութիւնը, ժամանակ է նշանակում նրան մտածելու, բայց նրա անդրդուելի խստապնդութիւնը տեսնելով, վճռում է սպանել այդ դաժան մարդուն և կատարում է այդ։ Վերջը իր վրայ էլ է ձեռք վերցնում, չի յաջողում, մահուան է դատապարտում։ Տպաւորիչ է։

227. Մեծ մարդկանց մայրերը Մ. Բլոկի, թրգմ. Յով. Արաբաջեանցի, 1896 թ. Ալբսանդրալ. 197 միջակ եր. գինը 50 կոպ.

Այս կենսագրութիւնների մեծ մասը գէշ չէ, մնացածը թուցիկ է։

Այս գիրքը թէև աւելի զարգացած ծնողների համար կարող էր ընթերցանութեան նիւթ լինել, բայց դեռահասներն էլ կարող են շատ խրախուսական օրինակներ տեսնել։

228. Մ'իսիօնար Տայր Դամեան Վայստերի կեանքը։ Թֆլս. 1896. 38 միջ. եր. գինը 10 կոպ.

Շատ հետաքրքրական կենսագրութիւն է մի վերին աստիճանի անձնագոր կրօնաւորի, որ Սանդվիչեան կղզիներում գիտակցաբար զոր է գնում տարագիր բորոտներին ծառայելով։ Վերջն ինքն էլ վարակւում է այդ սարսափելի ախտից և կադմալուծուելով սոսկալի տանջանքներ կրելուց յետոյ մեռնում է։

Շատ խոր տպաւորութիւն է գործում այս անօրինակ անձնագորութիւնը։

229. Մ'եսրոպ Մաշտոց, Կազմ. Ե. Թ. 1 պատկերով։ Լրատ. Յովհ. Արամեանցի։ Ալբսանդրալ. 1901. 32 միջ. եր. գինը 5 կոպ.

Ամփոփ ու լաւ մշակուած կենսագրութիւն է տառերի գիւ-

տի հետ կապուած, որի մասին տալիս է կարեւորագոյն տեղեկութիւնները:

230. Մի քանի օր Արցախում եւ Սինիքում: (Հայ տուրիստի յիշողութիւններէց): Թֆլս: 1905. Լ. Սարգսեանի: 86 միջ. եր., գինը 20 կոպ.

Մեր հայրենիքի փառաւոր անցեալ ունեցող այս վայրերի ու նրանց ժողովրդի նկարագրութիւնը հետաքրքրութեամբ կարդացում է, մանաւանդ այն լջերը որոնց մէջ արձածուէ են այն անցեալից սիրելի վերջուշներ. նամանաւանդ այս օրերում ուշադրաւ է այս հրկիւրը իր քաջարի զաւակներով:

231. Մտւոր, Փիզիքական ու բարոյական ինքնակրութիւն Զօն Ստիւարտ Բլեկկի: Թարգմ. Գր. Շահբուզադեանցի: Երկր. տպ. Թֆլս. 1904. 116 մեծգ. եր. գինը 60 կոպ:

Հանրամատչելի «խորհուրդներ են այն երիտասարդներին, որոնք որ կեանքի ասպարէզը մտնելով՝ ցանկանում են լուրջ կերպով պատրաստուել ուսումնական հասարակական գործունէութեան համար» — ասում է հեղինակը: Մեր գրականութեան մէջ քիչ կան այսպիսի գրքեր:

232. Միւլհիւզէնի ընծան Ա. Դոդէի: Թարգմ. Նիկ. Տէր Աւետիքեանի: Շուշի, 1881.

Փրանսիայի ոգին բարիքներ է խոստանում նորածնին: Հոգսերից ու ժասսպառուած մայրը այդ ասածներից բան չէ հասկանում, իսկ նորածինը հասկանում է:

Թէեւ ընտիր գրուածք է, սակայն խորհուրդը պարզ չէ:

233. Յոսլայի վերջին գիշերը է. Հեբհարտի: Թարգմ. Պաշ. քհյ. Փանեանցի: Թֆլս. 1901. 26 միջ. եր. գինը...

Վերին աստիճանի խոր տպաւորութիւն է գործում մատնիչ աշակերտի կեանքի վերջին ժամերի այս նկարագրութիւնը:

234. Յունաստանի անցեալից սլատմական տեսութիւն. Է. Թոփչեանի: Պարգ. 1898, գինը 18 կոպ.

Ամփոփ ու հետաքրքրական գրուածք է:

235. Նինիի համար: Հեղ. (?) փխդր. Փրանսերէնից: ռուս. Թարգմ. Յար. Եսայեանի: Թֆլս. 1904. 16 փքրդ. եր. գինը 3 կոպ.

Պեղճ բանուորի կինը թոքախտից բռնուած՝ հիւանդանոցում պառկած տառապում է: Բժիշկը խորհուրդ է տալիս նրան հարաւ տանել: Բանուորը դիմում է իր մօր նախկին տիրուհուն, որ մեծ բարեգործութիւններ էր արած եղել: Սա նախ մերժում է հազար Ֆրանկ մի այսպիսի բանի տալը, ապա

յիշելով որ իր փեսացուն էլ թոքախտից էր գնացել, խղճահարուստ է և օգնում:

Աւելի զարգացածների համար կարելի էր նշանակել:

236. Նոր լոյս: Մանր պատմութեան, Գր. ԲՅ. Պետրովի թարգմ. ռուս., հրատ. տիկ. Զարեկի, Բրգ. 180 էր. փքրդ. «Մեր էփանագին՝ գրադարանի» №5, գինը 10 կոպ.

Աւելի քարոզչական տոնով գրութեան պատմութեան եւ ժողովրդի թշուառ կեանքից և ազգու կոչ՝ օգնութեան: Համոզիչ օրինակներ է տալիս փոքր միջոցներով արգիւնք առաջացնելու համար:

Տպաւորիչ են:

237. Նոր կաղանդ շէք, պատկերադարձ հաւաքածոյ Հ. Կարապետ Աբրիանի Մխիթ. ուխտէն: Վնտկ. 1891. 23 մեծ. էր. գին...

2-8 երեւոյթից բաղկացած կենսագրական ուրուագծեր են, մտքին ու սրտին համարեա թէ ոչինչ չտուող: Պատկերները շատ անհաւասար արժէքի են, շատերը անտանիւի: Ընտրութեամբ անձերն էլ շատ անհաւասար արժանաւորութեան տէր են, որոնք կարող են դեռահասների մէջ հարցասիրութեան առաջացնել:

238. Ուղեղի նորոգումը. 10.002 գիշերների հեքիաթներից Ֆէլիքս Դիկմէլի. Թրգմ. օր. Ն. Աղանեսնցի: Թֆլս. 1904. 10 միջ. էր. գինը 5 կոպ.

Մուլթանի մեծ պաշտօնեաներից մէկը, որ ոչ խելք ունէր և ոչ էլ խիղճ, գիմել էր մի բժիշկի, որ նրա ուղեղը հանել, նորոգել էր և ութը տարի սպասել տիրոջը: Տէրը այդքան ժամանակ առանց ուղեղի ծառայելուց յետոյ՝ երբ հրաժարեցնում է, նոր գալիս է իր ուղեղի հետեից, պահանջ գգալով այն ունենալու: Իր նորոգութեամբ ուղեղին տիրանալով նա տեսնում է, որ իր մէջ երկու բան աւելացել են՝ խելք ու խիղճ:

Հետաքրքրութիւն շարժում է:

239. Ուսման սէր Ա. Լէշկէի: «Մեր էփանագին գրադարանը» № 6. Թարգմ. ռուս. Պարգ. 1905. փոքրդ. 60 էր. գինը 7 կոպ. Հրատ. տիկ. Զարեկի:

Մի «մուծիկի» կեանքից պարզ պատմութեամբ է. նա մեծ նեղութիւններ կրելով ու հալածանքների ենթարկուելով վերջապէս գրագէտ է դառնում և տպա՝ գիւղական ուսուցիչ: Խեղճի կրած տառապանքները կարեկցութիւն են առաջացնում մարդուն մէջ:

Արժէ կարդալ, խրատական է շատ:

240. Ուսկոկներ Եժ. Տ. ուսու. Թարգմ. Պտրդ. 1895. 232 միջ. եր. գինը 35 կոպ.

1593—1606 տևող ազատագրական պատերազմի մի միջնադէպն է նկարագրուած: Ուսկոկները (սերբեր) թիւրքական զազանութեանց դէմ ապստամբելով բանն այնպէս էին տարել, որ Գերմանիան ստիպուեց նոյնպէս պատերազմ հրատարակել և ուսկոկների օգնութեանը կարօտել:

Կարուած հետաքրքրութեամբ կարդացուած է:

241. Ուրբեսնեցի մանուկը Ոյդի զրոյցներից: Թ. Հ. Հ. Ը. 1895, գին. 10 կոպ.

Աշխարհառշակ նկարիչ Ռաֆայէլի մանկական կեանքից է: Եօթ տարեկան Ռ. նկարչական հրաշք է գործում ընկերական սիրով ոգևորուելով: Անհաւատալի են թուում նրան վերագրուած սրամիտ խօսքերն ու գործերը—անքան սքանչելի տպաւորութիւն է գործում այդ ամենը:

242. Պետրոս Շանշիանց Մելք. եպ. Մուրադեանցի: Թֆլս. 1896. գինը 50 կոպ.

Մեր առաջաւոր գործիչներից մէկի բաւականին հետաքրքրական կենսագրութիւնն է:

243. Պետրոս Դուրեան, Կենսագրական ու քննադատական ուսումնասիրութիւն: Թֆլս. 1894. գինը 50 կոպ.

Աւելի հասունացածներին վերապահել այս ուշագրութեան արժանի գրուածքը:

244. Պետրոս Արսա կամ խանձուած քար: *) Կարմէն Սիլվայի: Թրգմ. Ռաշիդի: Թֆլս. 1888. 16 փքրդ. եր. գինը 5 կոպ.

Գեղանի Պառնա գեղջկուհին սիրում է երիտասարդ Տաննային: Թէև Տ. պատերազմ է դնում, սակայն նրա նշանածը տխուր չէ, սիրտը հայրենասիրութեամբ տոգորուած լինելով: Բայց երբ որ երիտասարդը փախչում է պատերազմի դաշտից ու գալիս նշանածի մօտ, սա անարգանքով դժբուծ է նրա սէրը: Տ. հարկադրուած է վերադառնալ պատերազմի դաշտը: Նրա նշանած Պառնան նրան գտնում է ընկածների մէջ քթից ու աչքից զրկուած, փայփայանքով տուն է բերում նրան և հիմա պսակում հետը:

Վերին աստիճանի սրտառուչ է:

*) Մենք ունենք նաև մի այլ թարգմանութիւն «Այրուած ապառաժ», որ միացած է «Յիպեան ժայռերը» սիրուն գրուածքի հետ նոյն հեղինակի «Երկու հէքիթ» անունով գրքում: Թարգմ. Ս. Մ. Թ. Հ. Հ. Ը. 1894 գինը 10 կոպ.

245. Զորջ Ստեփննոսն եւ նրա կենսագրութիւնը: Աշխատ. Օդէսայի հայ ուսանողութիւն: Թֆլս. 1890. գինը 1 ռ.

Անշուշտ շատ հետաքրքրական է այս գիրքը, բայց այս հանճարաւոր հնարագէտի մեծ գիւտերն աւելի կ'ապշեցնեն քան թէ կը խրախուսեն դեռահաս ընթերցողին. նրա տքնութիւնները հարեանցի են նկարագրուած:

246. Ռայնա Գէորգեւնայի ինքնակենսագրութիւնը, կրճատ. Թարգմ. ուսու Մոսկւա, 1891.

Մի վարժուհի պատմում է բուլղարների տանջանքի ու արքայատմութեան մի միջնադէպ:

Տպաւորութիւնը թոյլ է:

247. Ս. Սահակ Պարթեւ. Արտատպ. «Լուսայից»: Թֆլս. 1902, 42 մեծդ. եր. գինը 25 կոպ.

Մեր պատմարաններից քաղուած նիւթի կոմպիլեացիա է: Արժէ կարդալ:

248. Սահակ Պարթեւ. Կազմ. Ե. Թ. 1 պատկերով: Հետ. Յվհ. Արամեանցի: Պարգ. 1902, 24 մեջ. եր. գինը...

Ամփոփ և մշակուած կենսագրութիւն է:

249. Սոկրատէս. Հեղ (շ). Թարգմ. Թեկղի Ստեփանեանցի. Թ. Հ. Հ. Ը. 1889. 70 միջ. եր. գինը...

Մեծ իմաստասէրի գործնական իմաստութիւնները զրուցատրաքար պարզաբանուած են ժողովրդի համար բաւականին յաջող կերպով:

Ընտիր է:

250. Ստեփաննոս Պալասանեան, Ի. Յարութիւնեանի: Թֆլս. 1895. 33 միջ. եր. գինը 25 կոպ.

Պալասանեանի կեանքի ու գրական ուղղութեան համառօտ, բայց զգացուած նկարագրութիւնն է:

251. Սեւ հացեր, հեղ (?). Թարգմ. օր. Ն. Աղանեանցի:

Մի մեծատունի կեանքից է, որ բարեգործութիւններ էր անում առ ի ցոյց մարդկան: Մի անգամ Գարրիէլ հրեշտակապետը երևում է նրան հրազի մէջ, բռնում է այդ արդարութեան կշիռքը և նրան ցոյց տալիս, թէ ինչպէս պէտք է գործէր, որպէս զի կշիռքի նժարը բարւոյ կողմը թեքուէր: Այնուհետև միայն այս մեծատունը փոխում է իր կեանքի ընթացքը:

Տպաւորիչ է:

252. Վարդագոյն ամսկ Ժորժ Սանի: Թարգմ. Ե. Լալաեանցի: Թֆլս. 1882. 96 փքրդ. եր.

Հեղինակը փոքրիկ աղջկան այլաբանօրէն հասկացնում

է, որ աշխատութիւնը կարող է մարդու ազատ պահել կեանքի փոթորիկներէն:

Թէև գեղեցիկ գրուածք է, գրաւիչ պատկերներ ունի, սակայն այդ փոքրիկի հարցասիրութեանն ու երևակայութեանը շատ ոյժ է վերագրուած:

Վերապահել անելի հասունացած օրիորդներին:

253. Վարքագրութիւն Եարութիւն Ամիրայի Պեզնեսան, Մ. Պ.-ի. Թէոդոսիա, 1862.

Այս ականաւոր հայ գործիչի օրինակելի կեանքից բաւականին հետաքրքրական դէպքեր են բերուած:

Արժէ կարդալ:

254. Վերադաձած յանցաւորը Զ. Դիկէնսի. Թարգմ. Արշ. Եդիգարեանցի, Թֆլս, 1896:

Այս թշուառ կեանքի սկիզբը ծանր, իսկ վերջը սարսափելի տպաւորութիւն է գործում:

255. Վէրը Հայաստանի, ողբ հայրենասիրի. Պատմական վէպ Սաչատուր Աբովեանցի. Մոսկուա 1897. այլ գրուածքների հետ 537 մեծդ, եր. գինը...

Շատ ընտիր է:

256. Վիլհելմ Տէլլ Վ. Օստրովսկու. 2-րդ տպ., Սարգ. 1904, 56 միջ. եր. գինը 10 կ.

Պատմուած է բաւականին լաւ: Արժէ կարդալ:

257. Վիլհելմ Տէլլ Լամարթինի. Թարգմ. Հ. Առաքելեանցի. №39 հրատ. «Աղբիւր» — «Տարագիր»: Թֆլս. 1891. 48 միջ. եր. գինը 15 կոպ.

Շվէյցարեայի ազատութեան տպաւորիչ նկարագիրն է: Թէլլի նշան առնելու տեսիլը ամբողջովին առնուած է Շիլլերից: Տես, № 171. Շիլլերի Վիլհելմ Տէլլ:

258. Վիշապ և այլ զրոյցներ Վ. Փափազեանցի. Թֆլս. 1904. 32 փքրդ. եր. գինը 5 կոպ.

1. «Վիշապը» կլանելով գիւղի կենսաբեր առուն՝ հետզհետէ ցամքեցրեց երկիրը: Միայն մի խենթ համարձակուեց նրա վրայ գնալ, բայց իզուր, որովհետև համագիւղացիք ծաղրեցին նրան ու սարսափահար եղան: Վերջը մի այլ հսկայի էր վերապահուած հրէշին ընկճելը: 2. «Կորսուած արդարութիւն» զրոյցի մէջ պատմուած է, որ արդարութիւնը երկրից վերացաւ և ոչ ուժով ոչ էլ հարստութեամբ կարողացան մարդիկ ձեռք ձգել այն: Վերջը միայն թափուող արցունքներից բողոք բարձրացաւ և սա արդարութիւնը վերադարձրեց: 3. «Ըմբոստի մահը» զրոյցի մէջ մի նոր ծառ հեռանալով իրան շրջապատող

ճահճային ծառերից՝ ու լոյսերից՝ վճռում է սարը բարձրանալ, աղաւ ապրել, բայց պատժուում է հողմերից ու կարկտից:

Այս վերջին զրոյցը անբնական բան է և այդ պատճառով միւս երկուսի արժէքը չունի:

259. Րաֆֆի, նրա կեանքը և գրական գործունէութիւնը: (Համառօտ հանրամատչելի տեսութիւն): Յարութ. Նսայ-հանի, Թֆլս. 1903. 24 փքրդ. եր. գինը 10 կոպ.

Բաւականին լաւ մշակուած, ամփոփ կենսագրութիւն է: Արժէ կարդալ:

260. Փայտաշէն խրճիթից մինչեւ սպիտակ տունը. Փո-լսաղր. Ն. Աւետիքեանի, Հեղ (?) 1884. 130 մեծդ. եր:

Անգլիական ու Ամերիկական միւս երեւի անձերի պէս Ջորջ Հարֆիլդն էլ ապշեցնում է իր արտաքոյ կարգի ընդու-նակութիւններով, տոկունութեամբ ու անձնուիրութեամբ: Շատ զարմանալի բան է, որ Հ. իր 11 տարեկան հասակից եղբօր հետ վար ու ցանքով են պարապելիս եղել: Հ. աշակերտ ժա-մանակը արհեստով էր իր ապրուստը հայթայթում:

Բաւականին լաւ փոխադրութիւն է: Տպաւորութիւնը գեղեցիկ:

261. Փարոսի վրայ Հ. Սենկեիչի. Թարգմ. ռուս. Մոսկ-ւա, 1892. 44 միջ. եր. գինը 10 կոպ.

Շատ ազգերի աղատութեան պատերազմներին անձնուի-րութեամբ մասնակցած և Ամերիկայում վերաբնակուած մի ծե-րունի լեհացու հայրենասիրական պագածունքների վերստին բորբոքման խանդալից նկարագրութիւնն է:

262. Փորրիկ թմբկահարը, զրոյց էդմօդօ դէ Ամիչիսի, Թարգմ (?) Թֆլս. 1899. 14 միջ. եր. գինդ 3 կոպ.

Աւստրօ—իտալական պատերազմից մի էպէզոդ է: Տաս-նուչորս տարեկան փոքրիկ թմբկահարը մեծ վտանգի ենթար-կուելով ու վէրք ստանալով շարունակում է՝ առանց ըռպէ կորցնելու՝ վաղել հայրենի պաշարուած զօրքը վտանգից փրկե-լու համար և յաջողութեամբ պսակում է այս փոքրիկ հայրե-նասէրի մեծագործութիւնը:

Պոր է տպաւորութիւնը:

263. Օրլէանի կոյսը: Բնագրից ամփոփից Ս. Թառայեան Թֆլս. 1901. 50 փքրդ. եր.

Բնագրից Թարգմանուած հատուածներն ու փոխադրուած-ները խառն են: Գէշ չէ այս ձևը: Հետաքրքրութեամբ կը կար-դացուի:

II

Բնապատկան, բնագիտական եւ ստողջապահական գրուածքներ:

6—8 տարեկանների համար:

264. Ուորքէնի զբաղմունքը: Բօստօնի: Մասն Ա. Թարգմ. ռուս. Պար. 1904. 82 փքրդ. եր. գինը 25 կոպ.

Փոքրիկ պատկերազարդ նկարագրութիւններ են ընտանի ու մասամբ վայրենի կենդանիների կեանքի ու կազմուածքների: Սկիզբը հետաքրքրական կը լինի վեց տարեկանների համար, մէջերբից՝ 7—8 տարեկանների համար:

7—10 տարեկանների համար:

265. Ջուր Զ. Գրիգորեանցի: 1893. գինը 35 կոպ.

Տասը տարեկաններից զարգացածները կարող են հետաքրքրուել ու հասկանալ ջրի կրած ֆիզիքական փոփոխութիւնները և այդ երևոյթներին վերաբերեալ փորձերը:

Արժէ կարդալ:

10—12 տարեկանների համար:

266. Անեքետոյթ հողագործ Զ. Դարվինի: Գինը 7 կոպ.

Գրաւիչ եղանակով ցոյց է տրուած անձրեկի ճիճուի մեծ դերը հողի արգաւանդութեան համար:

267. Անձրեւ ու ձիւն ժիվատովսկու: Թարգմ. Ռ. Մ. Մ. Պարգ. 1896. գինը 10 կոպ.

Հետաքրքրական է, բայց նիւթի մշակումը անկատար է:

268. Նրկրաշարժ եւ հրաբխային լեռներ Լուսկեիչի: Թարգմ. Գիւնազարեանցի: 1897. գինը 15 կոպ.

Ամբողջովին հետաքրքրութեամբ կը կարդացուի:

269. Զարմանալի որդ Ս. Կուզնեցովայի: Թարգմ. օր. Ն. Դուլանեանցի: Թֆլս. 1896. 29 միջ. եր. պատկերազարդ: Գինը 10 կոպ.

Շեքածի կազմուածքի, զարգացման ու կեանքի այլ երևոյթները նկարագրուած են հետաքրքրական ձևով:

Արժէ կարդալ:

270. Ընտանի կենդանիներ Ա. Զիլինկարեանցի և Տ. Ռաշմաճեանցի: Ալքսնդրպլ. 1897. գինը 5 կոպ.

Այս կենդանիների մասին պատմածները ոչ այնքան սկզբնական, որքան մէջերին ու վերջերը հետաքրքրական են դառնում:

271. Թուղթն ու հին զրքեր: Թարգմ. Տ. Կոստանեանցի: Հեղ (?) Թֆլս. 1894. 38 փքրդ. եր. գինը 5 կոպ.

Իսկապէս թուղթ շինելու մասին միայն 5 եր. է գրուած: Մնացածը նշանագրերի, պապիրոսի, պերգամենտի մասին է: Գէշ է:

272. Մագնիս Ի. Վօրօնովայի—Նուէր մանուկներին: Թարգմ. ոռւս. Թֆլս. 1901. 42 մեծդ. եր. գինը 12 կոպ.

Մագնիսի մասին իսկապէս քիչ խօսք կայ: Աւելի պատմում է երկու աշակերտների թշնամական յարաբերութեանց մասին և ապա բերեկամանալու, երբ մինը գտնում է միւսի կոթած մագնիսը:

Ոչ բէլլիտրիստական է և ոչ էլ բուն ընագիտական: Արժէք չունի:

273. Մեղունք Ա. Զիլինկաբեանցի և Տ. Ռաշմաճեանցի: Ալեքսդրպլ. 1898. գինը 10 կոպ.

Ակրից մինչև վերջը մեծ ուշադրութեամբ կը կարդացուի:

274. Ռզնիներ Կուկլեն'ի—Նուէր մանուկներին: Թարգմ. ոռւս. Թֆլս. 1901. 24 մեծդ. եր. գինը 8 կոպ.

Ռզնիների կեանքից պատկերազարդ նկարագրութիւն է: Պատկերները յաջող են: Գէշ է:

275. Տարերք ընսկան զիտութեանց Հոօքսլի'ի: Թարգմ. Ի. Յարութիւնեանցի: Թֆլս. 1894.

Ամենահետաքրքրական երևոյթներն ընտրովի բացատրում է գեղեցիկ գրաւիչ մեթոդով:

276. Տարութիւն և օդ Ռուբէն Մելիք-Մուսեանցի: Թարգմ. Պարզ. 1895. 40 եր, պատկերազարդ. գինը 12 կոպ.

Հետաքրքրական է, արժէ կարդալ:

277. Դիւղում Երմօլովայի: Թարգմ. ոռւս. Թֆլս 1898. 81 եր. գինը 20 կոպ. «Նուէր մանուկներին»:

Կենդանիների կեանքից զանազան հատուածներ են արժէքաւոր կամ միջակ արժէքի: Պատկերները գէշ չեն:

278. Զրի կաթիլի պատմութիւնը Գրուբէի: Հրատ. Մոսկւայի Հ. Ո. Գ. Ը. 1881. Երկու այլ գրքոյկների հետ 31 եր.

Զրի կրած փոփոխութիւնների նկարագրութիւնն հետաքրքրական է:

12—14 տարեկանների համար:

279. Արեգակի եւ լուսնի խաւարումը: Վ. Լունկելիչի. 3 պատկերով: Թֆլս, 1892. 32 միջ. եր. գինը 5 կոպ.

Արեգակի եւ լուսնի խաւարման, երկրի, երկնային մարմինների ծագման մասին համառօտ տեղեկութիւններ են:

Արժէ կարգաւ:

280. Աստղալից երկինք եւ երկրագոնն Մակ. Չմշկեանի: Թֆլս, 1891. 16 միջ. եր. գինը...

Կարող է հետաքրքրութիւն շարժել:

281. Բնութեան երկու մեծ թագաւորութիւնները Վ. Լունկելիչի Փոխդր. Յակոբ քհանայ Սադիկեան: Սպրգ. 1903, 82 միջ, եր., պատկերազարդ: Գինը 30 կոպ.

Կենդանական ու բուսական աշխարհների նշանաւոր ներկայացուցիչների հարեանցի նկարազրութիւն է, մի ընդհանուր պատկեր: Այսպիսի գրուածքները խոր տպաւորութիւն չեն թողնի:

282. Բոյսերի կեանքը ըստ Ֆիգէի եւ Տիմիւրեակի: Սպրգ. 1897. գինը 8 կոպ.

Բոյսերի արմատի, բունի (ցողունի) եւ տերևի բնախօսութիւնն է: Հետաքրքրութիւն կարող է շարժել, բայց դժուար բառերը ընթերցումը դժուարացնում են:

283. Նրկրի եւ երկնքի մասին Վ. Լունկելիչի Ռուս. Թրգմ. Կ. Գ. Թֆլս. 1897: Միջ. 74 եր, պատկերազարդ. գինը 10 կ. Թ. Հ. Հ. Ը.

Երկնային գլխաւոր մարմիններին վերաբերեալ ամենակարեւոր տեղեկութիւններ են հանրամատչելի եղանակով եւ պատկերներով բացատրուած:

Ընտիր է:

284. Էլէկտրականութիւն, Կազմեցին Ա. Չիլինկարեան եւ Տ. Ռաշմաճեան: Ալքսնդրպլ. 1902. 77 միջ. եր. գինը 15 կոպ. «Ժողովրդական գրադարան»:

Բաւականին յաջողուած հանրամատչելի բնագիտութիւն է: Մինչև վերջը հետաքրքրութեամբ կը կարդացուի:

286. Ի՞նչ է կայծակը...

32 միջ. եր. պատկերազարդ.

Հանրամատչելի բացատրութիւն է էլեքտրականութեան հետաքրքրութեամբ կը կարդացուի:

287. Ժաղիկ եւ պտուղ Բէրնշտայնի: Թարգմ. Ռ. Մելիք-Աղամանցի: Սպրգ. 1896. պատկերազարդ. գինը 8 կոպ.